



**Tractatus Exegeticus Ad Librum III. Decretalium Gregorii
IX. Contractus in specie secundum rubricarum ordinem
exponens**

Scharz, Oddo

Salisburgi, 1738

§. II. Precarii natura, & indeles exponitur.

[urn:nbn:de:hbz:466:1-63816](#)

Regulis generalibus, quas de gradibus culparum in singulis Contractibus præstandis in Lib. I. ad Tit. de Pact. §. 6. 20 num. 49. assignavimus. Ad II. dico, actionem suum fortiri nomen ex Contractu; adeoque vocari actionem de Precariis, quia regulare est, quod actiones, ex Contractibus nominatis competentes, assumant nomen sui Contractus, ut actio commodati, depositi &c. Porro actio hæc duplex est, alia directa, quæ competit Ecclesiæ, Precarias con-

§. II.

Precarii natura, & indoles exponitur.

SUMMARIUM.

11. *Precarium describitur, pro cuius Declaratione tria Corollaria subjunguntur.* 12. Non est de essentia Precarii, ut ad preces petentis constituantur. 13. An precarium Contractibus sit accensendum, aliorum opinione referuntur. 14. Nos eidem bunc honorem negamus. 15. Sed vagum quoddam negotium, ad donationes proximè accedens, esse dicimus. 16. 17. Quinam precarium constituere, & accipere possint? 18. Et in quibus rebus? 19. Quæ obligatio precarium accipienti comitetur? 20. Remedia, quæ precarium constituenti competent, recensentur. 21. Precarium finitur quinque modis,

Precarium cum Precariis, & commodato convenire videtur, in pluribus tamen discrepat, ut inferioris dicitur, agitur de eo in cap. 3. b. t. & tit. ff. de Precario. & describitur, quod sit concessio gratuita usus alicujus rei ad preces alterius facta, ea lege, ut ad nutum, & libitum concedentis restituatur. Vel, si lubet verbis Ulpiani in l. 1. princ. ff. b. t. illud describere: *Precarium est, quod precibus petenti utendum conceditur tamdiu, quamdiu is, qui concessit, patitur.* Ex qua definitione tria colliges, I. quod *Precarium* mercedem reputat, cum sit quidam actus liberalita-

tis l. 1. §. 1. ff. b. t. & donationi admodum propinquus, nisi quod in hac, si accedat traditio, transferatur dominium, in illo solus usus cum facultate remi, quandocunque libuerit, revocandi: cit. l. 1. §. 2. II. *Precarium* ita constitui debet, ut usus rei nec quo ad modum, finem, aut tempus determinetur, l. 12. princ. ff. b. t. & per hoc discrepat à *Precariis & commodato*, in quibus usus rei certo tempori, aut modo alligatus est cap. 1. de *Precar.* & l. 1. §. 3. ff. b. t. III. *Precarium* omni momento debet esse revocabile l. 1. §. 2. l. 2. §. 2. princ. l. 15. princ. ff. b. t. quod secus ac-
(D) cedit

cidit in commodato, ubi res commo-
data ante finitum usum regulariter re-
vocari nequit, ut *tit. seq.* amplius expo-
netur. Interim, dum dicimus, rem
precariorē concessam omni momento à
concedente, vel ejus hærede revocari
posse, id cum aliquo temperamento
exaudiendum est, ut non ocyus, atque
concessa fuit, revocetur *arg. l. 105. ff.*
de Solut. Nisi propria, eaque urgens
ipsius concedentis necessitas revocari
rem exposcat. *Adjuvari quippe nos, non*
decipi beneficio oportet. ait Paulus in *l. 17.*
§. 3. ff. commod. Secūs, si intempesti-
vè, & citra rationabilem causam domi-
nus rem precariorē concessam revoceat,
exceptione dolii repellere potest, Magnif.
P. König cum aliis à se relatis *b.t.n. 29.*
P. Schmalzgrueber *eod. tit. num. 7.*

12 Sed nunquid de natura *Precarii* est,
ut ad preces petentis constituatur? ita
equidem videri posset ob authoritatem
Ulpiani in *l. 1. princ. ff. b. t.* *Precarium*
definientis, quod sit id, quod *PRECIBUS*
petenti utendum conceditur. Malo tamen cum Leysero in *Medit. ad*
Pand. ad lib. 43. tit. 26. specim. DX. §. 1.
dicere, id de natura *Precarii* haud esse,
ut ad preces petentis concedatur, quam-
vis plerumque id contingere soleat.,
quod duntaxat Ulpianus in data defi-
nitione innuere voluisse videtur. Ad-
stipulatur huic opinioni Julius Paulus
JCTus antiquissimus recept. sentent. l. 5.
tit. 6. §. 11. his verbis: *Precario possi-*
dere videtur, non tantum, qui per episo-
lam, vel quacunque alia ratione hoc sibi
concedi postulavit, sed & is, qui nullo vo-
luntatis indicio, paciente tamen domino,
possedit. Ejusmodi *Precarium* inter fa-
miliares locum invenit, qui familia-
rium suorum juribus, & rebus liberè

nonnunquam utuntur, absque eo,
quod precibus sibi harum rerum usum
stipulentur, aut expressa concessio prae-
cedat, solo familiaritatis jure freti, ut
Paulus loquitur in *l. 41. ff. de A. vel A.*
P. vocatūque Precarium tacitum.

Num *Precarium* contractibus ac-
censendum sit, itidem queritur? Qui
eidem hunc honorem tribuunt, per-
suadentur illa juris regula in *l. 23. ff. de*
R. J. ubi *Precarium* contractibus, qui
solum dolum recipiunt, associatur.
Accedit, quod ex *Precario* detur actio
præscriptis verbis l. 2. §. 2. l. 19. §. ult. ff.
b. t. quæ propria est contractuum inno-
minatorum. *l. 1. 2. & 3. ff. de P. V.* Hiero-
nimus de *Oroz de Apicib. Jur. civil.*
lib. 3. cap. 1. duplex constituit *Precar-*
ium, unum, quo quidem usus alicuius
rei gratis, & sine præfinitione tem-
poris conceditur, sine expressa tamen
conventione de re rursus restituenda;
alterum, quo expressè inter dantem, &
accipientem convenit de re reddenda.
Illi contractuum numero non esse ha-
bendum, eò, quod ad donationem po-
tius, & beneficii naturam declinet; nec
producere actionem *præscriptis verbis*,
sed subsidiario duntaxat Prætoris bene-
ficio, *interdicto* nimirum de *Precario* ad-
juvari. Istud verò Contractibus inno-
minatis adnumerandum esse contendit,
eique competere actionem *præscriptis*
verbis, contempto altero Prætorio remo-
dio, scilicet *interdicto de Precario*, pro-
pter Textum in *l. 15. §. 3. ff. b. t.*

Verùm fristrà se fatigant AA. Quod
enim in *l. 23. ff. de R. J.* *Precarium* inter
Contractus referatur, hoc duntaxat fa-
ctum est, ob analogiam, quam *Precar-*
ium habet cum *commodato*, & quod in
Precario non minus ac in veris Contra-
ctis

Etibus quæstio de dolo, & culpa versari possit: secùs, si cit. Regula in sensu ab AA. intento exaudienda foret, sequeretur, quod negotiorum gestio verus Contractus esset, quia in d. Regula inter alios veros Contractus recensetur. Ad alterum, quod Precario actio prescriptis verbis fuerit accommodata. d. l. 2. §. 2. ff. l. 19. §. ult. ff. b.t. non bene inferatur, Precarium esse Contractum innominatum, siquidem hæc actio generalis est, & ob æquitatem ad alia quoque negotia porrigitur, ut constat ex l. 17. §. 5. l. 20. princ. ff. de P.V. & idèò in l. 2. §. 2. ff. b.t. ex bona fide oriri dicitur, quatenus nempe æquum videbatur, ut, qui ordinario Juris Civilis remedio destitutus esset, rem suam precariò concessam à rogante hac actione repetere posset. Illa distinctio Precarii, quam facit Oroz, nullo juris suffragio nititur; Est quippe de substantia cujuscunque Precarii, ut usus rei ita concedatur, quatenus accipiens perpetuò obstrictus maneat, ad rem, quandocunque eandem concedenti repetere lubuerit, restituendam, ut patet ex l. 1. princ. ff. b.t. Unde in arbitrio concedentis est, malitne actione prescriptis verbis, num interdicto de Precario adversus accipientem experiri, nec una actio alteram absorbet, aut consumit: etenim l. 15. §. 3. ff. b.t. ab Oroz allegata, quæ interdictum de Precario dari vetat, loquitur de casu, quo precarium concedens, sibi stipulatione cavit, tunc equidem cessare hoc interdictum haud inviti concedimus, èo quod ordinario Juris Civilis remedio provisus sit, vide licet actione ex stipulatu.

¹⁵ Dicimus igitur, Precarium esse vagum quoddam negotium, proximè ad donationes accedens, nec quidquam cum

Contractibus commune habens, quippe, quod nec specificam contrahendi formam, specificumque modum habeat, nec obligationem reciprocam inter dantem, & accipientem producat, id quod tamen de natura Contractus est per l. 17. §. 3. ff. Comod. sed à libera concedentis voluntate dependeat, nec commerciis hominum deserviat; pactis tamen legitimis, si associas, nos invitox non habes.

Precarium constituere non tantum 16 potest dominus, sed etiam possessor rei, l. 7. ff. b.t. item fructarius §. 1. in fin. f. de us. Et habit. quin etiam creditor pignoratius. l. 6. §. ult. l. 11. ff. b.t. qui tamen non alteri, quām ipsi debitori pignoris usum concedere potest. Qui rationis, & dolii capaces non sunt etiam Precarium constituere nequeunt. l. 6. princ. ff. b.t.

Accipere Precarium potest omnis, 17 qui potest acquirere. Etiam pupillus sine tutoris autoritate. l. fin. §. 1. ff. b.t. Dominus per procuratorem, si aut mandavit, aut ratum habuit. l. 6. §. 1. ff. b.t. quod itidem obtinet in filiofamilias, mandato patris precarium rogante. l. 4. §. 2. ff. eod.

Usus Precarii amplissimus est, eique 18 tam in rebus corporalibus, quām incorporalibus locus esse potest. l. 2. §. fin. l. 3. Et 4. ff. b.t. rei tamen sue precarium non esse, receptum est, ait Ulpianus in l. 4. §. 3. ff. b.t. Excipe, nisi in casu pignoris, quando nimirum debitor rem suam creditori oppignoravit, tunc enim possessionem ejus precariò accipere potest, non vero proprietatem, utpote quām nunquam dimisit. l. 6. §. 4. ff. b.t.

Obligatio, quæ precarium accipientem comitatur, in eo consistit, quod

rem precariò concessam ad nutum, & beneplacitum concedentis restituere teneatur: in hoc tamen rursus ejus conditio præ commodatario favorabilior est, quod, dum ille ad exactam diligen-tiam obstrictus manet commodanti, hic dolum duntaxat, & quæ eidem in civilibus æquiparatur, culpam latam præstare teneatur. *l. 8. §. 3. ff. b. t.* Ratio discriminis est, quod res commodata ante finitum tempus revocari nequeat, res verò precariò data omni momento restitutioni obnoxia est; unde, si contin-gat, rem precariò concessam ex culpa levi, aut levissima ipsius recipientis reddi deteriorem, sibi imputet conce-dens, quod homini negligenti preca-riò rem dederit, aut eandem non tem-pestitivè non revocaverit. *P. König b. t. num. 33.* Post editum verò edictum, hoc est, ut hodie interpretamur, post item contestatam tenetur etiam de culpa levi, & condemnatur in tantum, quanti actoris interest, rem restitui cum omni causa. *l. 8. §. 4. & 6. ff. b. t.* quia *precarium accipiens sua mora obesse non debet concedenti.*

20 *Precarium* constituent duplex re-medium competit, interdictum nempe *de Precario*, quod Prætor introduxit, eo quod iniquum ei videretur, ut dans hoc praetextu carere debeat re sua, quia actione destituebatur. *l. 2. §. 2. ff. b. tit.* usu fori dein concessa quoque ei fuit actio *prescriptis verbis*, quatenus illa ex *equo & bono* oritur *cit. l.* Hodie, quin actio *ordinaria* ei competat, nullus du-bit, cum ex pacto quocunque hodie actio detur, ut in lib. 1. tit. *de Pact.* jam insinuavimus. Interdictum hoc non tantum datur illi, qui precariò concessit, sed etiam hæredi ejus, nam & ab eo is,

qui rogavit, precariò habere videtur. *l. 8. §. 1. ff. b. t.* non solum contra acci-pientem, sed etiam hæredes ejus, ex per-sona scilicet defuncti, quatenus rem habent, vel desierunt dolo habere, & ex dolo defuncti, quatenus ad eos per-vénit. *d. l. 8. §. ult.* sic v.g. si cui preca-ria ædium habitatio concessa sit, isque moriatur, hæredes ad restituendas ædes tenentur ex persona defuncti, quia nul-lum in iis jus habent, & ideo restitu-re tenetur rem alienam, cujus restituendæ facultatem habent. *l. 2. C. b. t.* Imò hoc interdictum datur etiam ad-versus dominum, casu quo pignoris rei suæ precariam accepit possessionem, ut supra jam dictum est, per *l. 6. §. fin. ff. b. t.* & etiam contra pupillum, tametsi sine authoritate tutoris precarium ro-gaverit, modo rem adhuc habeat, secùs non tenetur. *l. ult. §. ult. ff. b. t.* compe-tit autem, ut jam meminimus, ad resti-tuendam rem, & fructus à tempore moræ, vel litis contestatæ, debetque constituens in pristinam causam resti-tui, secùs condemnatio fiat, quanti actoris interest, ei rem restitui ex eo tempore, ex quo agere cœpit. *d. l. 8. §. 4. ff. b. t.*

Precarium finitur V. modis. I. Re-²⁵vocatione, siquidem in arbitrio con-cidentis est, quocunque velit tempore, illud revocare. II. Obitu illius, cui concessum est *cap. ult. b. t.* hoc equidem beneficium personale est, ideoque cum persona extinguitur, nec in hæredes transit *l. 12. ff. b. t.* III. Morte con-cidentis, ubi tamen attendendum, quòmodo, & sub quibus clausulis preca-rium fuerit concessum. Non inquam enim conceditur ad *beneplacitum* con-ce-dantis *quæ Wolgefallen*. Subiude sub hac

hac Clausula, donec revocavero, auf Wiss
derrussen, vel denique simpliciter, &
absolutè conceditur. Primo casu *pre-
carium* morte concedentis exspirat, per
Textum clarum in l. 5. ff. locat. quia,
cum voluntas morte extinguitur, ipsam
quóque gratiam, quæ ex voluntate con-
cedentis vitam habet, & quasi pars est
voluntatis concedentis, sicut fœtus im-
perfetus pars ventris esse dicitur, ex-
tingui necesse est. Altero casu *pre-
carium* perdurat, nam per mortem conce-
dentis revocatio minimè censetur facta,
aut tacitè subintellecta, quia ad revo-
cationem gratiæ requiritur positivus
quidam actus, & contraria ordinatio.
Textus elegans in cap. 7. de Offic. deleg.
in 6. Tertio demum casu communiter
dicitur, *precarium* non extingui, sed in
hærede concedentis perpetuari, ita, ut
nova hæreditis concessione opus haud
sit. cap. fin. b. t. l. 8. §. 1. ff. eod. Schilte-
rus Prax. Jur. Rom. Exercit. 5. §. 31. ita
distinguit: vel *precarium* est concessum
à persona in dignitate constituta, vel à
privato quodam homine? Priori casu,
cum potestas publica non moriatur, ne-
que voluntas Reipublicæ cesset, tametsi
eam administrantes intereant, *precarium*
non solvitur per cap. 16. de R. J. in 6. po-
steriori verò negat *precarium* persevera-
re, nisi hæres patiatur uti, aut de novo
precarium constituat. IV. Finitur *pre-
carium*, quando is, qui concessit, rem
illam alienavit alicui, revocare volenti,
quia invito domino rem alteri posside-
re non licet. cap. fin. b. t. secùs, si eam
revocare nolit, non exspirat *precarium*,
sed res quasi ab illo *precario* haberi in-
cipit. d. l. 8. §. 1. ff. eod. V. Solvitur
precarium sine omni revocatione, tam
judiciali, quam extrajudiciali, in pignore,
si nimirū debitor accipiens pignus
suum à creditore *precario*, deinde de-
bitum solvat, tunc enim cessat *preca-
rium*. l. 11. ff. b. t.

T I T U L U S X V.

De Commodato.

Precarium inter & Comodatum, cum utrobique liberalitas exer-
ceatur, beneficiūmque præstetur. l. 14. ff. de Precario, & l. 17.
§. 3. ff. b. t. multam intercedere affinitatem in aprico est:
idcirco, dum *Precarii* naturam, & indolem in Tit. præcedente
exposuimus, recto ordine ducimur ad prædicata *Commodati* dif-
ferentialia expendenda, quibus se tum à *Precario*, tum ab aliis
affinibus Contractibus distinguit: subjungemus etiam Appendix
loci Titulum de *Mutuo*, tum, quod de hoc Contractu alias
in Jure nostro nulla specialis extet rubrica, tum, quod Ulpiano
teste in l. 1. ff. de R. C. sub Titulo de rebus creditis, adeoque de
Mutuo, *Pretor* etiam de *Commodato* edixit.

D 3

§. I.